

SCRIPT OF MORNING GOJRI NEWS BULLETIN 17MAR 2025 1015HRS

مارننگ گوجری نیوز بولٹن 17 مارچ 2025

یوہ آکاشوانی جموں ہے عبیدالرحمان تیں خبر سُنو۔

PM PAK

وزیر اعظم نریندر مودی نے کہیو ہے کہ پاکستان نال امن معاملات ور گل بات غی کوشش ہمیشہ دشمنی تے خیانت غو شکار ہو جئیں ایل ایکس فرائیڈ مین اشاعت مانہہ ایک انٹرویو غے دوران جناب مودی نے اُمید ظاہر کی ہے کہ اسلام آباد غے اندر لیڈر شپ دواں ملکاں بشکار آپسی گل بات بہتر کرن خاطر دور اندیشی نال سوچے غی۔ اُناں نے کہیو کہ پاکستانی عوام ہُن بدامنی تے دہشت گردی تیں تنگ آگئی ہے تے امن غی مُتمنتی ہے۔

ENCOUNTER

کشمیر زون پولیس غے مطابق کپواڑہ ضلع غا ہنڈوارا روم بورہ زچہلدار علاقہ مانہہ فوجی دستاں تے دہشت گرداں بشکار ٹاکرا غو سلسلو جاری ہو گئیو ہے پولیس تے حفاظتی دستہ اس آپریشن مانہہ شامل ہیں اس ضمن مانہہ مزید تفصیلات صورتحال غے پیش نظر سانجی کی جے غی۔

PM RAISINA

وزیر اعظم نریندر مودی اج نوی دہلی مانہہ رایسینا گل بات ۲ ہزار ۵۲ غ ۰۱۱ واں شمارا غو افتتاح کریں غا افتتاحی اجلاس مانہہ نیوز لینڈ غ اوزیر اعظم مہمان خصوصی ویں گا تے ور خصوصی خطاب وی پیش کریں غا۔ اس ۳ روزہ گل بات غو سلسلو اج تیں شروع ہو رہیو ہے تے بدھوار تک یوہ سلسلو جاری رہ غو اس سال اس گل بات غو موضوع کالاچکرا لوک امن تے سیارہ یعنی پلانٹ اینڈ پیس پیپل کالاچکر رکھیو گئیو ہے اس تقریب غے دوران عالمی سطح ور منصوبہ تیار کرن تے دیگر اعلیٰ لیڈر ۶ موضوعاتی ستوناں ور بکھ بکھ زمران مانہہ گل بات کریں غا اس دوران وزیر اعظم نریندر مودی اج نیویلینڈ غا وزیر اعظم نال نوی دہلی مانہہ کئی موضوعات ور گل بات کریں غا۔

AI EXPRESS JAMMU

خلائی رابطاں تے ہوائی سفر نانہہ مزید آسان بنان خاطر ایر انڈیا ایکسپریس ۳۲ مارچ تیں ہر روز ہنڈوم گادیا باد تے جموں بشکار پرواز غو سلسلو جاری کر رہی ہے مرکزی وزیر ڈاکٹر جتندر سنگھ نے اس خبر ور اپنا تاثرات ایکس غے زیرے پیش کیا یہ خدمات صرف ہفتہ غے روز دستیاب نہیں ہون آلی اس تیں علاوہ ہر دن پروازاں غو سلسلو جاری رے غو۔ جموں تے نائڈا بشکار سفر کرن آلا مسافراں وستے ان پروازاں نال بڑی آسانی پیدا وے غی۔ یاہ پرواز جموں سویرے ۱۱ بج غے ۰۳ منٹ ور پیجیں غی تے ہنڈوم واسطے تہاڑی ۱ بجے روانہ وے غی اس تیں پہلاں مرکزی وزیر نے اطلاع دتی تھی کہ ۱ اپریل تیں سویرے جموں تیں سرینگر ہوائی پرواز غو سلسلو شروع وے غو جس نال عوام نانہہ کافی راحت لبے غی۔

CS DIGIDOST

چیف سیکرٹری اٹل ڈلو نے ایک اعلیٰ سطحی میٹنگ غی صدارت کی تے کمیونٹی خدمت مرکز اس غی صلاحیت غو جائیزو لیو۔ اس دوران ان مرکز اس غی سرکار تیں شہریاں تے سرکار تیں کاروباریاں توڑی خدمات پُجان مانہ ان مرکز اس گا کردار غو جائیزو لیو گیو۔ اس میٹنگ غے دوران اس گل ور خصوصی توجہ دتی گئی کہ سرکاری خدمات نانہ سی ایس سی مرکز اس غے زریوے کس طرح دور دراز علاقاس غی عوام تک پُجایو جے۔ اس دوران سی ایس سی غا ڈی جی دوست ایپ غی اہمیت ور گل بات کی گئی جس نال عوام گھر بیٹھیں سرکاری خدمات حاصل کرسکیں۔

SURYAGHAR CAMP

جموں بجلي تقسیم کارپوریشن لمٹیڈ صاف توانائی نانہ فروغ دین واسطے پردھان منتری سوریا گھر مُفت بجلي یوجنا ور ایک کیمپ غو انعقاد کر رہیوے۔ یوہ کیمپ ۸۱ مارچ ۵۲۰۲ نانہ سینٹرل پارک بابو پلازہ جموں مانہ تہاڑی ۲۱ بجے شروع وے غو۔ اس غو مقصد لوکاں مانہ شمسی توانائی غا فائدہ گا بارا مانہ آگاہی پیدا کرنو ہے کہ اس سکیم غے تحت مُفت بجلي کس طرح حاصل کی جاسکے۔ اس بارے بیداری پیدا کرنو ہے اس سلسلہ مانہ ماہرین اُت موجود رین غا جھپڑا عوام نانہ درخواست دین غا طریقہ کار تے کھر غی چھت ور شمسی پینل لان بارے مکمل معلومات فراہم کریں غایوہ کیمپ عام لوکاں واسطے لایو جارہیوے تانجے متہ تیں متہ لوک بجلي غا بل کھٹ کرسکیں تے صاف توانائی نانہ اپنا استعمال مانہ لیا سکیں۔

PM-MKB

وزیر اعظم نریندر مو دی مُلک تے بیرون مُلک رہ رہیا بھارتی شہریاں سنگ آئندہ 30 ما رچ نانہ آکاش وانی ور من کی بات پروگرام غا اپنا ماہانہ شمارہ مانہ اپنا خیالات سانجہ کریں گا۔ لوگ اپنا خیالات تے تجویز ٹول فری نمبر 1800117800 ور ڈائل کر غے روانہ کرسکیں۔ اس توں علا وہ نریندر مو دی ایپ یاہ فر مائی گوو اوپن فورم ور وی اپنا خیالات تے تجویز روانہ کی جاسکیں۔ یہ تجویز اس مہینہ غی 28 تا ریخ توڑی بی قابل قبول وین گی۔ یوہ پروگرام آکاش وانی، دور درشن، اے آئی آر نیوز ویب سائٹ تے نیوز آن انٹر مو بائل ایپ ور نشر تے ٹیلی کاسٹ کیو جائے گو۔ اس توں علا وہ یوہ پروگرام اے آئی آر نیوز، ڈی ڈی نیوز تے وزیر اعظم غا دفتر تے اطلاعات و نشریات غی وزارت غا یوٹیوب چینل ور وی براہ راست نشر تے ٹیلی کاسٹ کیو جائے گو۔ آکاش وانی اس پروگرام غی ہندی نشریات غے فوراً بعد اس نانہ علاقائی زبانان مانہ وی نشر کرے گو۔

KABADDI WORLD CUP

کبڈی عالمی کپ ۵۲۰۲ اج شام انگلینڈ مانہ شروع وے غو بھارتی مردان غی ٹیم اپنا سفر غو آغاز اٹلی غے خلاف کرے غو۔ یوہ مقابلو بھارتی وقت غے مطابق شام ۵ بجے غے ۰۳ منٹ ور شروع وے غو۔ مقابلہ ۷ تہاڑاں توڑی جاری رہے گو۔ جس مانہ ۰۶ تیں متہ مقابلان وین گالیے مقابلان مختلف شہراں مانہ وین گامردان گا مقابلہ مانہ ۰۱ ٹیم حصو لے رہی ہے جھپڑا اے تے بی ٹیم مانہ تقسیم کیا گیا ہیں تے خواتین مقابلہ مانہ ۰۶ ٹیم حصو لے رہی ہے جھپڑی ڈی تے ای ٹیم مانہ تقسیم کی گئی ہیں۔ یوہ کبڈی عالمی کپ غو دوجو عالمی مقابلو ہے۔ اس تیں پہلاں ۹۱۰۲ مانہ پہلو شمارو ملیشیا مانہ ہوو تھو جت بھارت نے مردان تے کواتین زمران مانہ جیت حاصل کی تھی۔